



7. Radunanza cumünela dals 13.12.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 22 votantas e votants

Büro electorel: Maura Romerio Duschletta / Luzi Parli

Tractandas:

1. Protocol da la radunanza dals 15 november 2017
2. Preventiv 2018
3. Plan d'investiziun 2018 - 2022
4. Pè d'impostas 2018
5. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 15 november 2017 vegn refüso, causa cha'l text dal affer 28 (revisiun parziela ledscha da salarisaziun) es da cumpletter cun l'explicaziun da la CDG. I vegn fat la proposta da corregger il text e da suottametter il protocol dals 15 november 2017 aunch'üna vouta a la prosma radunanza cumünela per l'approvaziun. La radunanza cumünela aderischa per granda part a quista dumanda.

36 0.205 Rendaquint/planisaziun da finanzas Preventiv 2018

Il preventiv 2018 es la prüma vouta gnieu construieu tenor las novas reglas da finanzas e credit (HRM2). In princip nu's müda ünguotta vi da la situaziun finanzia da la vschinauncha da S-chanf, Las novas prescripziuns dumandan però, cha las cifras vegnan per part calcedas e descrittas oter. Dimena es eir il conguel direct culs ans passos na pü dal tuot do. La suprastanza cumünela ho büdscheto per l'an 2018 ün deficit da fr. 140'040.00. l'ls ultims tschich ans d'eira il rendaquint effectiv adüna megllder. Il pü grand müdamaint cul nouv model calculatoric HRM2 pertuocho las amortisaziuns. Quellas staun gnir amortisedas linear. La vschniauncha vo da l'an 2018 our da que chi do amortisaziuns da fr. 995'600.00 (preventiv 2017 fr. 708'600.00). Cun expensas da fr. 9'302'500.00 ed entredgias da fr. 9'162'460.00 serra il preventiv 2018 cun ün suravaunz

d'expensas da fr. 140'040.00. La supranza cumünela propuona d'approver il preventiv 2018. La radunanza cumünela decida cun gronda magiurited e sainza cuntravusch d'approver a la proposta da la supranza cumünela d'aderir il preventiv per l'an 2018.

**37 0.205 Rendaquint/planisaziun da finanzas
Plan d'investiziun 2018 - 2022**

La vschinauncha da S-chanf prevezza per l'an 2018 investiziuns brüttas da totel fr. 5'496'000.00 cun entregias da fr. 233'000.00.

Arduond 0.6 milliuns francs chaschuneschan duos progets regiunels, chi sun gnies deliberos oriundamaing tres ils votants, dimena la contribuziun per la piazza aviatica (fr. 82'000.00) scu eir la fabrica da la sarinera regiunela (fr. 562'000.00 da totel fr. 2.53 milliuns). Impü ho il suverau delibero ils imports per la halla da deposit (fr. 880'000.00) scu eir la maschina per laina arduonda (fr. 150'000.00).

Ils seguaints progets sun previs per l'an 2018: la terz'etappa dal schlargiamaint da l'infrastructura Susauna (Susauna), la planisaziun da la seguond'etappa da la rait da fibra, scu eir il sustegn per attachs da chesas vi da la rait da fibra.

L'an 2017 s'ho fat investiziuns d'arduond fr. 3.4 milliuns impè scu previs i'l preventiv 2017 ill'otezza da fr. 5.98 milliuns. La consequenza per l'an 2018 es, cha'ls cuosts d'investiziun muntan sül prüm sguard sün ün import ot e na üsito per nossa vschinauncha. In connex cun divers grands progets dal chantun e da la Swissgrid as po nüzzer sinergias per seguaintas fabricas: schlargiamaint Chapella – Tulait, la refacziun da la lingia d'ova da Punt'Ota (sectur lung la via chantunela vers Cinuos-chel), senda Chapella Ospiz – Ravuntschè, lingia d'ova S-chanf – Zuoz (colliaziun ova da baiver), transferimaint lingias da chanelisaziun Bos-chetta Plauna.

Resguardand la constituziun, artichel 31 alinea 3 e artichel 33 alinea 4, vegnan las dumandas da credit per investiziuns sur fr. 300'000.00 suottamissas üna seguonda vouta a la radunanza u sur fr. 3'000'000.00 a la votaziun a l'urna a temp ütil.

Grazcha als excellents ultims ans da gestiun paun las investiziuns da l'an 2018 gnir probabel finanziedas cun egens mezs liquids. La supranza cumünela propuona d'approver il plan d'investiziun 2018. La radunanza cumünela decida cun gronda magiurited e sainza cuntravusch d'approver il plan d'investiziun 2018.

**38 0.205 Rendaquint/planisaziun da finanzas
Pè d'impostas 2018**

Ils ultims ans s'ho pudieu serrer il rendaquint cumünel cun remarchabels guadagn. Las investiziuns i'ls ultims ans s'ho pudieu finanzcher cun egens mezs, sainza causer nouv debits. Eir in futur as po fer quint sainza ün nouv debitamaint. Actuelmaing es il pè d'imposta sün 65% da l'imposta chantunela simpla. La supranza cumünela propuona a la radunanza cumünela da lascher il pè d'imposta cumünela per l'an 2018 sün 65% da l'imposta chantunela simpla. La radunanza cumünela decida sainza cuntravusch d'approver il pè d'impostas e da lascher quel sün 65% da l'imposta chantunela simpla.

39 9.999 Varia

Il president surpiglia il pled e s'ingrazcha pel ingaschamaint e il lavur da duonna Jnes Barblan chi ho demischiuno sia piazza illa supranza cumünela per la fin da l'an 2017. Zieva l'ingrazchamaint dal president surpiglia duonna Jnes Barblan il pled e s'ingrazcha tar la populaziun da S-chanf.

Sar Schimun Caratsch fo la dumanda da surlavurer il reglemaint per las contribuziuns da las societeds e per generir tes que ün schligerimaint administrativ.

Il president serra la radunanza a las 21.10 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini